

第二冊 祠廟 剝宇 慶賀

古今聯語彙選初集



上海商務印書館出版

祠廟一

潞安府城東北百穀山上相傳神農嘗百穀於此

因名有神農廟聯云

粒我烝民使有菽粟如水火 播時百穀

先知稼穡之艱難

彭剛直吳山倉聖廟聯

一畫本天開破上古洪荒草昧無須繩更

結 六書隨世換供後人摹寫英雄未免

筆難投

金岱峯題溫州倉聖祠中奉祀許鄭木主聯云

作黃帝史官記動記言鼻祖神靈明四目

開元公爾雅釋詁釋訓耳孫著述衍三

蒼

古今聯語彙選初集 祠廟一

又題鄭康成聯

微言守遺當奉大師爲表幟 實事求是

敢從二氏問傳薪

龔扁曰經神

又題許叔重聯

家傳十四篇書合三蒼爲一 律諷九千

字學通五經無雙

龔扁曰學祖

吳小巖先生舊擬堯母廟聯

履武生聖神吞卵亦生聖神須知大聖大

神赤帝母儀垂萬古 子婦爲皇后女孫

並爲皇后終讓太皇太后丹陵慈蔭被中

天

又聯

稷母元妃生周絕奇高母次妃生商又絕

奇伊一家難兄難弟齊著神靈還不如母

德光天十四月胚胎造化 女皇貴后子

朱不肖英皇並后子均亦不肖歷兩朝此

舅此甥終慚聖善須記取皇陵片土億萬

年俎豆馨香

又擬堯廟聯

頌紀華封多福多壽多男子 美觀堯典

乃武乃文乃聖神

又聯

大哉爲君舉禹稷高皋益以水官土官木

官金官火官時亮天功功歸元首 粵若

稽古歷虞夏商周秦而西漢東漢南漢北
漢蜀漢皆承帝祚祚錫萬年

歷山舜廟聯

高山仰止景行行止 卿雲爛兮紉縵縵

兮

清高宗神禹廟聯

績奠九州垂萬世 統承二帝首三王

又神禹廟舊聯

洪水奠當年億萬家飯美魚香如依夏屋

清時思儉德千百世泳勤沐澤共樂春

臺

又聯

三過其門虛度辛壬癸甲 八年於外平

成河漢江淮

清高宗國子監大成殿聯

氣備四時與天地日月鬼神合其德 教

垂萬世繼堯舜禹湯文武作之師

清高宗鄒縣孟廟聯

尊王言必稱堯舜 憂世心同切孔顏

田寶發孟廟聯

孔門功冠三千士 周室生當五百年

大梁孟廟聯

千里而來何必曰利亦有仁義而已矣

百世之下莫不興起況於親炙之者乎

濟寧州之仲家淺爲子路故里有仲氏祠聯云

允矣聖人之徒聞善則行聞過則喜 大

古今聯語彙選初集 祠廟一

哉夫子之勇見危必拯見義必爲

無錫鴻山泰伯墓齊梅麓大令題墓柱云

至德無稱三讓兩家天下 高山可仰一

坏萬古江南

蘇州有泰伯廟而湖北亦有至德祠聯云

違親不孝背君不忠敢辭瘴雨蠻烟採藥

當年心最苦 傳季而王偕仲而霸豈意

吳頭楚尾瓣香到處德維新

首陽山夷齊廟聯

幾根傲骨頭撐持天地 兩箇餓肚腹包

羅古今

永平府在商爲孤竹國城外有夷齊廟聯云

兄讓弟弟讓兄父命天倫千古重 聖稱

賢賢稱聖頑廉懦立百世師

王執中題山西沁州綿山上介之推祠

主辱臣憂當在外從亡一飯已經肝胆碎

功成身退問諸君食祿千秋留得姓名

無

汴省信陵君祠爲河督許仙屏所建亭館樓閣甚

盛不減二曾祠樓上則以虛左亭爲最高自下

而登諸樓閣處處可通從虛左亭四望曠濶無

際北顧黃河洶湧在目迫近城內行宮諸地許

題聯云

有史公作傳如生愛客若君眞令讀者慷

慨悲歌不已 其門館流風未謝於今視

昔問誰能拔抑塞磊落之才

又集傳中成語爲聯云

名冠諸侯自古賢無有及公子者 仁而

下士乃閒步往從此兩人遊

秦小峴瀛嶽麓三閭大夫祠聯

何處招魂香草還生三戶地 當年呵壁

清湘應識九歌心

桃源郭蘭孫孝廉世欽題陶朱祠聯

半畝此迎神越國江山留壟斷 五湖長

浪迹吳宮花草入扁舟

杭州錢武肅王祠在湧金門外規製宏敞王文成

題扁云順天者存諸城劉文清塘題聯云

啓匣尙存歸國詔 解弢時拂射潮弓

又孫文靖聯

✓衣錦還鄉保萬民於安樂 上疏歸國敢

百世之蒸嘗

又裔孫嘉定伯瑜中丞寶琛聯

功在生民惜傳聞異辭信史尙留曲筆

德垂奕禩悵播遷中葉支流莫溯淵源

楊聽臚題山西介休縣韓信廟聯

✓西望關中百戰十年空鳥兔 北臨綿上

千秋一例感龍蛇

劉子迎題留侯廟聯

✓從龍逐鹿兩茫然我思妙用無方何害英

雄同兒女 黃石赤松皆戲耳獨怪善全

有術不遭烹醢卽神仙

賈太傅故宅在長沙西城清平街後人於故宅建

祠嘉慶間左杏莊撫湘重修并祀屈左徒題聯

云

✓親不負楚疏不負梁愛國忠君真氣節

騷可爲經策可爲史補天浴日大文章

馬子靜以貞題陝西蘇武廟聯

✓三千里持節孤臣雪窖冰天半世歸來羸

屬國 十九年託身異域韋韞毳幕幾人

到此悔封侯

富春嚴子陵祠有一聯頗能包掃一切惜忘其名

聯云

大漢千古 先生一人

揚州華佗廟聯

元龍幣聘以來澤被廣陵到此日青囊未

燼 孟德頭顱安在煙銷漳水讓先生碧
血常新

又聯

大儒以胞與爲懷小數得名莫非術耳
漢室有腹心之患神針莫救豈非天哉

周公瑾祠聯

大帝君臣同骨肉 小喬夫婿是英雄

落鳳坡龐靖侯祠聯

造物忌多才龍鳳豈容歸一室 先生如
不死江山未必許三分

兵部署中關帝廟聯

九伐威名襄夏政 千秋正統懷春王

西湖金沙港關廟在南山中胡書農學士敬有聯

云

聖至於神薦馨歷千載而遙如日月行天
江河行地 湖開自漢崇祀值兩峯相對
有武穆在北忠肅在南

西湖岳廟之左有關廟繆昌期題其門聯云

德必有鄰把臂呼岳家父子 忠能擇主

鼎足定漢室君臣

又舊聯

先武穆而神大漢千古大宋千古 後文
宣而聖山東一人山西一人

周彥升先生題浙江綢業會館關帝祠聯

玉印照吳山此地居然崇廟貌 繡袍張
蜀錦吾公自昔愛文章

富陽縑嶺卽王子晉吹笙處舊有關帝廟邑人葺而新之或懸一聯云

此吳地也不爲孫郎立廟 今帝號矣何須曹氏封侯

相傳爲邑人胡明經撰大帝爲富陽產故出句云爾

河南許州八里橋有關帝廟壁有畫像帝騎馬居

中曹公及張遼等分立兩旁酌酒餞行有長聯云

亦知吾故主尙存乎從今日徧逐天涯且
休道萬鍾千駟 曾許汝立功乃去耳倘
他日相逢歧路又肯忘樽酒綈袍

梁荏隣云此聯最著人口此事亦見正史然史但

古今聯語彙選初集 祠廟一

云吾極知曹公待我厚然吾受劉將軍厚恩誓以共死不可背之吾終不留要當立效以報曹公乃去及殺顏良曹公知其必去重加賞賜帝盡封其所賜拜書告辭而奔先主於袁軍左右欲追之曹公曰彼各爲其主勿追也並無酌餞贈袍之舉此殆鋪張演義之言而忘其非事實也予謂以聯論固是佳構且世俗於此等崇奉過當轉失真相之舉不一而足不必過於認真也

河南汝州關廟浙人之商於汝者以此廟爲公所丙辰年俞曲園先生行部至汝爲鄉人題聯云
廟貌徧塵寰此間地接許昌請看魏國山河徒留荒草 軺車遵汝水使者家居苕霅願與故鄉父老同拜靈旗

古今聯語彙選初集 祠廟一

八

郊縣吳小巖先生題某河上關帝趙普合祠聯

芒

地居廉讓之間二分流水三分農圃 學

有經濟者貴半部論語一部春秋

湖北荊州關廟聯

荊州形勝卽中原得之則進取易失之則

退守難天意蒼茫莫怪公猶立馬 壯武

大名垂宇宙生不爲曹氏臣死不作孫家

妾人心維繫遂令我欲登龍

新安汪村關廟在汪村水口并祀張睢陽上有文

昌閣俞曲園先生題聯云

威名滿華夏眞義士眞忠臣若論千載神

交合與睢陽同俎豆 戎服讀春秋亦英

雄亦儒雅試認九霄正氣常隨奎壁煥光

有一刹其正殿奉關帝左右祀火神龍神彭春農

學士邦彥聯云

心之光明猶火也 神而變化其龍乎

相傳關帝廟聯

三分割據紆籌策 萬國衣冠拜冕旒

又聯

聖以武成名剛毅近仁於清任時和中更

增一席 學於古有獲春秋卒業在詩書

易禮外別有專經

又聯

萬人之敵 千古之英

又聯

威震華夏 志在春秋

又聯

允文允武 乃聖乃神

又聯

三分割據紆籌策 知我者其惟春秋乎
萬國衣冠拜冕旒 生民來未有夫子也

又聯

果然第一英雄忠在君 臣義在兄弟 使不
忠不義人對此 應教愧殺 眞個無雙豪
杰 德兼文武 行兼春秋 有德有行者 拜焉
越顯靈通

又聯

其爲氣也配義與道 未若髯之超羣絕

倫

郭春生關廟聯

兄及弟矣 式相好矣 無相尤矣 神之格
思不可度 思矧可射思

周櫟園仙霞嶺關帝廟聯

拜斯人便思學斯人 莫混帳磕了頭去
入此山須要出此山 當仔細摸着心來

巫山關帝廟聯

山勢西來猶護蜀 江聲東下欲吞吳

齊梅麓作宰荆溪時題本邑關廟聯

威鎮雄州野樹尙含荆浦綠 神遊故國
夕陽偏照蜀山紅

荆浦蜀山皆縣中地

古今聯語彙選初集 祠廟一

陽湖許沐眉耿灣關侯祠聯

如孟之剛氣配義道 繼孔而聖志在春秋

慈利關廟岩村題聯

版圖本荆澧連疆自呂蒙潛師此土三分
非漢有 祀典以帝王號廟攷陳壽作史
當年五等祇侯封

出聯就縣地著想以慈利舊隸澧州也

周彥升先生題二甲鎮關廟聯

別院綠桑高晚日猶擎車蓋影 閒庭芳
草徧春風先染繡袍痕

王孚遠方伯述爲滇臬時每赴城外監視行刑必
就其地關廟行香此廟僻在郊垌且非有行刑

十

事直爲人跡所不到寺僧乞製廟聯以意撰句

云

度一切衆生於夢幻後 存千秋大義在
天壤間

安溪李文貞公爲直隸巡撫祈雨於關廟有應謝

聯云

我意在麥秋澤隨地徧 公靈震華夏日
在天中

關帝廟集句聯

知我者其惟春秋乎 乃所願則學孔子
也

梁茵隣謂帝好讀春秋正史無明文惟裴松之引
江表傳云公好左氏傳諷誦略皆上口而已學孔

子語亦泛而無當予謂上聯云云特沿世俗畫像之習慣俗語不實流爲丹青姑妄傳之則亦姑妄言之耳且上下聯實一氣呵成不得說成兩概梁氏評隲殊未悉當

又聯

舊官寧及漢 遺恨失吞吳

又聯

漢家宮闕來天上 武帝旌旗在眼中

又聯

吳宮花草埋幽徑 魏國山河半夕陽

夏力恕太史關廟聯

英雄幾見稱夫子 豪傑如斯乃聖人

有傳關帝乩筆一聯云

古今聯語彙選初集 祠廟一

史官擬議曰矜誤矣視吳魏諸人原如無物 後世尊崇爲帝敢乎論春秋大義還是漢臣

有作關夫人廟聯者云

生何氏沒何年蓋弗可考矣 夫盡忠子盡孝可不謂賢乎

按筠廊偶筆載蒲州朱牧所撰關侯祖墓碑侯長

娶胡氏於靈帝光和元年戊午五月十三日生子

平云云作者或偶未考見耳

武侯祠聯

義膽忠肝六經以來二表 託孤寄命三代而後一人

西蜀諸葛丞相祠聯

✓ 日月同懸出師表 風雲常護定軍山

又聯

✓ 興亡天定三分局 今古人思五丈原

又聯

已知天定三分鼎 猶竭人謀六出師

又聯

✓ 三代下有儒者氣象 諸葛君真名士風

流

又集句聯

✓ 可託六尺之孤可寄百里之命君子人與
君子人也 隱居以求其志行義以達其
道吾聞其語吾見其人

又聯

自任以天下之重如此 是知其不可而
爲之與

湖北石首縣有繡林山相傳漢昭烈帝納孫夫人
於此錦幃如林因名舊有昭烈及夫人合祠有
爲之撰聯者云

✓ 錦繡江山半壁雄心敵吳魏 風雲兒女
千秋佳話掩甘糜

宜興周孝侯廟齊梅麓聯

朝有好黨豈能成將帥之功若教仗鉞專
征蛟虎猶非對手敵 世無聖人不當在
弟子之列誰信讀書折節機雲曾作抗顏
師

又周小棠亦有一聯小棠孝侯裔名家攄清同

光中官吏部侍郎邑有荆溪南山爲孝侯斬
蛟射虎處聯云

立廟永馨香看眼前大好河山浩劫難磨
生氣在 登堂聞警歎有世上未除蛟虎
先型仰企抱慙多

蔡紹襄題桃源縣靖節祠聯

先生豈必因桃源而重 此地固應較栗
里爲佳

又岩村聯

撰出一篇文配享此山當日功成應推桃
花漁父 恥爲五斗米臣事異姓先生晚
節合謚禾黍頑民

南昌八隱祠祀陶靖節以下諸賢其門聯云

古今聯語彙選初集 祠廟一

結廬在人境 賴古多此賢

京師翰林院禮部國子監各有土地祠並祀韓文

公不知起於何時法祭酒式善聯云

起八代衰自昔文章尊北斗 興四門學
卽今俎豆重東膠

又彭司業定求聯

進學解成閒官一席曾三仕 起衰力任
鉅製千秋本六經

潮州韓文公祠聯

天意啓斯文不是一封書安得先生到此
人心歸正道只須八個月至今百世師之

潮州韓山韓江均以文公得名張丹叔觀察題潮

州文公祠云

金石文章空八代 江山姓氏著千秋

楊紫卿明經季鸞薄游粵西有柳侯廟楹聯云

才與福難兼 賈傅以來文字潮儋同萬里
地因人始重 河東而外江山永柳各千

秋

柳州劉司戶祠聯

古猶登第厚顏安知今之必異 鳥尙銜
枝封隴可以人而不如

相傳司戶以勤民野死有鳥銜枝蟻負土頃刻而

成墳故下聯云云

阮文達集白公句題浙江白文公祠聯

但是人家有遺愛 曾將詩句結風流

又題白文公祠橫翠樓聯

明月來相照 好風與之俱

江洲白太傅祠聯

楓葉四絃秋 棖觸天涯遷謫恨 潯陽千
尺水勾留江上別離情

蘇州虎邱新修白公祠卽顧伊人塔影園舊址也

賀耦庚方伯長齡聯云

唐代論詩人李杜以還惟有幾篇新樂府
蘇州懷刺史湖山之曲尙留三畝舊祠
堂

河南省城有三賢祠在梁苑古吹臺上祀李太白

杜少陵高達夫三公麟見亭河帥聯云

一覽極蒼茫 舊苑高臺同萬古 兩間容
嘯傲青天明月此三人

蘇州郡學之傍有名宦專祠四所各有像歲久傾

陀剝蝕梁茝隣中丞下車即屬長洲令王槐午

錫蒲重修工竣梁各紀以聯章公祠云

唐史傳偏遺合循吏儒林讀書不礙中年

晚蘇州官似諡本清才名德臥理能教

末俗移

又白公祠

諷諭豈無因樂府正聲熟人口行藏何

足辨名山大業定生前

有疑行藏句太空者梁曰誰辨心與跡非行亦非

藏即用香山詩意但非注脚不明耳

又况公鐘祠聯

姓字播絃歌韋白以來成別調功名起

古今聯語彙選初集 祠廟一

刀筆蕭曹自古是奇才

尚有陳公鵬年祠一聯似稍遜不具錄

江陰張許二忠祠聯

孤城屹立半壁粗完自昔論功儕郭李

一日効忠千秋慕義此間繼起有閻陳

無錫惠山張睢陽廟聯

天地風塵古廟丹青今幾劫江淮俎豆

空山鼠雀亦千秋

黃漱蘭張巡廟聯

男兒死耳又奚言若論唐室元勳四百載

功名豈輸郭李父老談之猶動色但籲

揚州都督億萬年魂魄永鎮江淮

迴瀾閣主張睢陽廟聯

十五

烟寒城闐雀鼠羅空率疲卒捍強氣毅力
守巖疆宜身後血食千秋氣塞區中名不
朽 日暖旌旗龍蛇影動薦馨香合絃管
歡誠輸里社想生前髯軀七尺威驚麾下
望如神

原註從守城報賽正面描寫黏滯無味惟結處用

昌黎張中丞傳中句發揮差強人意

潮州雙忠祠祀張許二公聯云

國士無雙雙國士 忠臣不二二忠臣

張南山云粵東文謝二公祠中亦懸此聯

一乞丐至南顏合祠題聯云

恭喜二先生有福爲神剝忠義皮露金石
骨痛快極矣 可憐一化子無錢奠地執

春秋筆灑英雄淚嗚呼哀哉

大興朱文正杭州西湖朱文公祠聯

由孔孟而來二千年衛道傳經獨振斯文
統緒 當光寧之世五十日格非陳善允
宜此地蒸嘗

邊育之儀部廷英朱子祠聯

大哉夫子之功百世權衡六經羽翼 遠
矣斯文之統周程私淑孔孟聞知

眉州三蘇祠大門有張鵬翔二聯云

一門父子三詞客 千古文章八大家

又劉錫嘏集句聯

江山故宅空文藻 父子高名重古今

西湖向無蘇公專祠秦小峴觀察始創建之落成